

Txirritola

ARAMAIO / Barikua / 2005eko apirilaren 29a / 148. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Koadrilako ibilaldien artean, lehenengoa Olaetara izango da, datorren domekan

UBANE MADERA

Zuiako Koadrilak aurkeztu du aurtengo ibilaldien egitaraua. Maiatzaren 8an hasi eta urriaren 23ra arte, hiruzpalau irteera antolatu dituzte hilabete bakoitzerako (abuztuan ez). Olaetara joango dira maiatzaren 8an. Izena emateko epea maiatzaren 7an bukatuko da.

Orein granja bat, eliza eta ahabiasailak bisitatuko dituzte Olaetan, datorren domekan. 09:00etan aterako da autobusa Gasteiztik, Europa Gizarte Etxetik, eta leku berera itzuliko da, 14:00ak aldera. Izena emateko honako telefonora deitu behar da: 945 14 55 99. Askok jota, 35 lagunendako lekua izango da.

MAIATZEKO TXANGOAK

Horrekin estreinatuko dute Zuiako Koadrilako aurtengo ibilaldi programa.

Hurrengo ibilaldia maiatzaren 15ean egingo dute, Oiardora; maiatzaren 21ean, berriz, Olleriasera txangoa antolatu dute eta bukatzeko, maiatzaren 28an, egun osoko ibilaldia egingo dute.



Koadrilako lehen ibilaldian, Olaetako leku eta parajeak bisitatuko dituzte datorren domekan, hilak 8.

go dute: Zurbano, Olano, Murgia, Izarra, Beluntza eta Manurga bisitatzeko.

Handik aurrera, hilero hiru irteera egingo dituzte, ibilbide mota bakoitzeko bat.

AUKERATUTAKO IBILBIDEAK

Izan ere, hiru ibilbide mota antolatu ditu Zuiako Koadrilak: *Jaurerrien arteko bideak* da bat. Olaeta, Elosu, Ullibarri-Ganboa eta Zurbano herriak ikusiko dituzte

ibilbide horretan. Besteak beste, jauregi dotoreen artean paseatzeko gonbita egiten du Koadrilak. Esaterako, Zurbanon XVII-XVIII. mendeetako makinatxo bat jauregi-etxe dituzte ikusteko.

Bigarren ibilbideari *Naturaren fruitua* izena ipini diote. Ollerias, Manurga, Murgia eta Olaeta no ikusiko dituzte. Hain justu ere interes artistiko zein historikoa nabarmena duten erromaniar aztarnadun elizak, errota museoak... bisitatuko dituzte. Esaterako, Olleriasen Euzko Buztingintza museoa ikusiko dute eta Murgian, eztiarena.

Bukatzeko, *Ura eta harriaren artean* izeneko ibilbidean monumentu megalitikoak, trankuharriak, tumuluak... ikusteko aukera eskaintzen du Zuiako Koadrilak. Oiardo, Goiuri, Izarra eta Beluntza bisitatuko dituzte.

EGUN OSORAKO HIRU IRTEERA

Horrekin batera, egun osorako hiru irteera ere egingo dituzte. Maiatzekoaz gainera, ekaineko beste bat egingo dute: Ollerias Olaeta, Elosu, Manurga eta Olaeta no bisitatzera. Eta urriaren egun go dute hirugarrena: Zurbano Murgia, Beluntza, Izarra eta Oiardo ikusiko dituzte.

Txango guztiak gidaririk lagunduta egingo dituzte, Gasteizko Animación enpresaren eskutik.

Arexolako lanik zailenak egin dituzte

U.M.

Joan den astean hasi ziren Arexola auzoan konpontze lanak egiten. Excavaciones Arrasate enpresak dihardu horretan. Enpresako ordezkariak kontatu digunez, bi hilabete eta erdi barru lanak bukatuta izatea espero dute. 240.000 euro pasatxo inbertituko dituzte.

Santa Marina elizari eusteko lanak eta plaza eta ingurua urbanizatzeko lanak egiten dabil Excavaciones Arrasate enpresa Arexolan. Enpresako ordezkariak

jakinarazi digunez, dagoeneko, okerrean bukatu dute: auzoko elizari eustea, hain zuzen ere. Elizaren kontrahormak jaso dituztela aditzera eman digu. Gaineratu digunez, datozen asteotan, plaza eta inguruak zolatzeko lanak egiten ibiliko dira. Besteak beste, galzada-harriak ipini behar dituzte.

Horrekin batera kontatu digu, zolatzeko lanak egiteaz batera, Arexolako plaza handitzeko lanak ere egingo dituztela. Halaber, lanak bukatu ostean, plaza bi metro zabalagoa izango dela.

Bukatzeko, jakinarazi digu lanok ez dutela eragozpenik sortuko autoen joan-etorrian.



Auzoko Santa Marina elizari eusteko hormak egin behar izan dituzte.

LABUR

Udalaren uztaileko udalekuetarako izena emateko epea

Uztailaren 6tik 19ra bitartean dira aurtengo udalekuak. Parte hartu nahi duenak maiatzaren 20a baino lehen ematea behar du izena, udalarekin Ume bakoitzak 36 euro ordaintzen du beharko ditu. Taldeak maiatzaren bukaeran osatuko dituzte. Era berean, begirale izan nahi duenak ere zabalik dituzten izenemate epea. 17 urtetik gorakoak izan behar du eta zera behar izango dute: begirale titulua edo maisutza ikasketak izatea, EGA titulua, esperientzia eta Aramaiokoa izatea. Izena emateko azken eguna: maiatzak 20.

TELEFONO JAKINGARRIAK

OSASUNA / LARRIALDIK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zulako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
08:15	07:50	08:05
	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoaren orduetan eskaeraren arabera zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu behar dute honako zenbaki honetara: 629 54 59 23

OHARRAK

BARIKUETAN, JENDE GUTXI
Gaurko honetan, Alex de la Iglesia zuzendariaren *Crimen Perfecto* filma emango dute. Komedia da, 105 minutukoa. Besteak beste, Guillermo Toledo, Monica Cervera eta Luis Varela aktoreek parte hartzen dute. Bestalde, zinema-saio horien antolatzaileek herritarrek animatu nahi dituzte barikuetako zinema-saioetara joateko, orain arte herritar gutxi joan izan da-eta.

UMEENDAKO ZINEMA
Marrakizi bizidunen atalean, klasikoen artean klasikoenetako bat emango dute domekan umeendako zinema saioan: *Bambi*.

ITUR-ZURIREN BIDAIA
Soria eta inguruak bisitatze-ko txangoa antolatu du Itur-Zuri Emakume Elkarteak. Ekainaren 4an eta 5ean izango da irteera. Izenematea, berriz, maiatzaren 3a baino lehen egin beharra dago. Kultura etxeko orriari bertan eman daiteke izena, edo Itur-Zuriko batzordeki-deei abisatuta.

Apirilean eta maiatzean, umeak kantari, Arrasaten eta Gasteizen

U.M.

Papargorri abesbatza buru-belarri dabil datozkion hitzorduetan. Batetik, bihar, zapatua, Arizmendik antolatutako eskolarteko abesbatzen topaketetan parte hartuko du. Bestetik, maiatzean Gasteizen izango da, hango topaketetan.

Biharko saioari dagokionez, zortzi abesbatzak parte hartuko dute Arrasateko topaketetan. Uarkapen izango da saioa, 17:00etan hasita. Sarrerak zapatu goizean edo arratsaldean bertan eros daitezke, hiru euroren truke. *Mantxa Pio* eta *Uso Txuria* kantuak interpretatuko dituzte aramaiorrek, Arantza Uriarteren zuzendaritzapean. Blanka Mendialdua irakasleak jakinarazi digunez, 18 neska-mutirik abestuko dute Aramaioko taldean.

GASTEIZEN, LEHENENGO ALDIZ

Bestalde, maiatzaren amaiera aldera antzeko zerbitzu izango dute, baina oraingo honetan, Gasteizen. Hain justu ere, Arabako Federazioko Haur Abesbatzen kontzertuan parte har-



Maiatzaren 21ean parte hartuko du Papargorri Gasteizko kontzertuan.

tuko dute Papargorrikoek. Guztira, 12 abesbatzek parte hartuko du urtean behin egiten duten kontzertu horretan, gehienak Gasteizkoak.

GUZTIAK BATERA ETA LAUNAKA

Kontzertuak bi zati izango ditu. Batetik, abesbatza guztiek batera kantatuko dute; eta bestetik, taldeak launaka banatu eta lau-

Bihar, San Martin Eskolako 18 neska-mutiko izango dira Arrasateko topaketetan

Maiatzaren 21ean, Arabako Federazioko Haur Abesbatzen kontzertuan izango dira

ko talde bakoitzak kontzertu bana emango du. Bestelakoan artean, Kataluniako kantu batzuk abestuko dituzte: *Sukaldean Iraultza*, esaterako.

Maiatzaren 7an dute kontzertu horretarako aurreneko entsegu orokorra, Gasteizen.

Halako batean parte hartzen duten lehenengo aldia da.

Azokak emaitza ona izan duelako, pozik

U.M.

Azokaren gaineko balorazio oso positiboa egin dute bigarren eskuko liburu azokaren antolatzaileek. Honako datuak helarazi dizkigute zenbakitan: 250 bat liburu saldu dituzte eta 380 euro lortu. Horrez gainera, 500 bat liburu dituzte, Kolonbiara bidaltzeko.

Oso pozik daude Aramaio Tropikaleko Gazte Asanbladakoak bigarren eskuko liburu azokaren emaitzarekin. Liburu asko saldu dituzte: 250, entziklopedia bat barne; hala, diru dezente lortu dute: 380 euro (Angolara eramateko). Uste baino gehiago, antolatzaile-etako baten, Alex Aginagaldere hitzetan. Halaber, kontatu digu nobelak baino entseguak saldu zituztela gehiago, baina batez ere, sukaldeko liburuak, etxeko erremedioen gainekoak, umeendakoak eta liburu zaharrak saldu zituztela. Esaterako, 1930eko liburuak ere bazirela esan digu.

BESTELAKO BITXIKERIAK

Kontatu digu, baita ere, liburu bitxiez gain, liburuen barruan dokumentu bitxiak ere agertu zaizkiela; esaterako, testamentu bat,

1978ko txartel bat (Seat 600 modeloko automobil bat zozketatzen) edo antzinako loteria txartel bat.

KOLONBIARA ETA GASTEIZERA

Bestalde, saldu ez zituzten liburuen artean, 500 bat, espainierazkoak guztiak, Kolonbiara bidali nahi dituzte gazteek. Orain, Udalarri laguntza eskatuko diotela esan digute, Diputazioaren bitartez liburuak Kolonbiara zelan bidali erabakitzeke. Saldu ez dituzten euskarazko liburuak, berriz, Gasteizko umezurtegi batera bidaltzea aztertzen dabilta.

Azokan ibili zen herritar kopuruari dagokionez, aditza eman digute asko ibili zela, batez ere, 13:00etatik aurrera.

Gauzak horrela, eta bestelako ustekaberik ezean, datorren urtean, azoka berriro antolatzeko asmoa dutela esan digute.

GAZTEEN PARTETIK: ESKERRIK ASKO

Bukatzeke, gazteek eskerrak eman nahi dizkiete aramaiorrei, liburuak ematearren eta azokari egin dioten harrerarengatik. Udalarri eta liburutegiko arduradunari (Olgari) ere eskertu nahi diete egin duten guztia. Horrez gainera, sortutako eragozpenengatik barkamena eskatu nahi dute.

Aramaioko Udalak egindako zuzenketa

U.M.

Joan den astean, udal likidazioaren gaineko informazioa eman genuen. Baina badirudi informazio hori ez zela guztiz zuzena eta gaizki-ulertuak sor ditzakeela. Hori dela-eta, Udalak zuzenketa egin du eta informazio zehatza helarazi digu, zuei jakinarazteko.

Honakoa da Udalak artikuluarri egin dion zuzenketa: "Ostiraleko *Goienkaria*-n, TXIRRITOLA-Aramaioko albisteen artean, zera azaldu zen: "2004ko likidazioaren arabera, Aramaioko Udalak 132.827,73 euroko superabita lortu du 2004ko ikasturte politikoan (...) soberakin positiboa izan du".

DIRU-KUTXAK EZ DIRA LODITU

Hau irakurrita, badirudi Aramaioko Udalak 2004ko ekitaldian 132.827,73 euroko etekina izan duela, Udaleko diru-kutxak loditu egin direla, alegia, eta hau ez da horrela.

Aramaioko Udalak 2004ko ekitaldian Gastu Orokorretarako Diruzaintza-gaineratikoa positiboa izan du, eta ez superabita (etekinak); bi gauza guz-

Udalak gaineratikoa positiboa izan du, eta ez superabita (etekinak); guztiz desberdinak dira

tiz desberdinak dira. Hori horrela denean, Gastu Orokorretarako Diruzaintza-gaineratikoa positiboa denean, hau baliabide bat izango da ondorengo ekitaldiko aurrekontuen kreditu-aldakuntzen finantzaketarako.

GASTUAK ETA SARRERAK ZAINDU

Bestalde, artikuluan azaltzen da "aurtengo soberakin positiboak erakusten du Udalak asko zaindu duela 2004an gastuen atala".

Hori ez da zuzena. Gastu Orokorretarako Diruzaintza-gaineratikoa kalkulatzeko orduan ez dira gastuak bakarrik kontuan hartzen, diru sarrerak ere (egon direnak eta egongo direnak), besteak beste, kontuan hartzen dira".

Gure aldetik, barkatu gaizki esanak.